

人汝問是義彼人一一爲汝解說令汝歡喜
汝於彼邊行於梵行

時婆毗耶波梨婆闍從彼天聞如是文句心

憶持已即遊歷行一切國城村邑聚落處處
打鼓求欲論義復口唱言若有沙門及婆羅
門能解如是我問我不是時至處無有一人

能解如是義論之者時婆毗耶所行之處或

舊有人坐思惟法或論義者聞婆毗耶來到

其邊各各散走終無人敢共彼論義言語談
說時婆毗耶波梨婆闍次第而行漸漸至彼
波羅捺城尔時彼城有六大師各各唱言我
於世間最爲第一謂富蘭那并三迦葉尼乾
子等時婆毗耶即便往詣彼富蘭那迦葉等
邊到已即共彼富蘭那面相慰喻言語問訊
言說訖已却住一面

佛本行集經卷第三十八

古末

所八

傲慢上吾告反下音空怨讐上音空反下音酬嗤尺反之鹿廣下俱臘
下正憍吾各反泔音甘筭年上音鷄奢緺下丑音反娠身詔
下音反弥併下音步乳哺下音步迭徒結反

佛本行集經卷第三十九

所九

隋天竺三藏法師闍那崛多譯

婆毗耶出家品下

時婆毗耶波梨婆闍問富蘭那迦葉等義如
上所說云何比丘乃至云何名爲求道時婆
毗耶如是諮詢迦葉語已而迦葉等領受言

乙義心意錯亂不能報答以不逮及彼之義意
增復顰皺眉額皺縮現爲三分心生怨恨瞋
恚憤怒無事唱响時婆毗耶波梨婆闍作如
是念此之長老我所諮詢不解答對微塵等
義又領我意倒錯參差不能得解文句審澀
更重慙恧而生瞋恨無事大呼

時婆毗耶波梨婆闍於富蘭那迦葉之邊生
獸離已而背捨去往摩婆迦梨劬奢梨及尼
乾邊既到彼已乃至共於尼乾子面共相慰
喻美言問訖事情訖了却住一面其婆毗耶
波梨婆闍問尼乾等如上所說於義云何名
爲比丘乃至求道其尼乾子得婆毗耶如是
問已心意錯亂不能報答

時婆毗耶作如是念此諸長老遂不能解微
塵等義而我問已心意迷荒不能領解復增
瞋恚叫喚如前時婆毗耶心如是念頗復世
間更別有人或復沙門或婆羅門而世間稱
是一切智真阿羅漢有如是者我往彼邊問心
所疑若得領解我當承事供養頂禮晨夕不離
野苑中諸仙居處世間人言智阿羅漢大有
聰慧我今當至彼沙門邊問所疑義彼復更
作如是思惟此處沙門或婆羅門老年宿德
經多時來修行梵行各各堪作諸國王師出

間各言聰明智慧大阿羅漢所謂富蘭那迦
葉等及尼乾子彼等我問尚自不知況此沙
門年少已來出家未久我今所問云何得解
復重思惟彼之沙門不可輕忽不可欺陵所
以者何其有沙門雖復年少而或聰明有大
智慧不可得知我今但當至於彼處大沙門
邊問心所疑

時婆毗耶波梨婆闍往謂佛所遙見世尊乃
至猶如虛空之中衆星莊嚴在於衆中宣說
法要見已心生信行之想此必是彼如前所
聞如來世尊多陀阿伽度阿羅呵三藐三佛陀
所為無有異也即詣佛所到佛所已即共世尊
對面美言巧語慰喻種種談說言訖却坐退
一面已其婆毗耶波梨婆闍即便以偈而白
佛言

我是婆毗耶道人 故從他方遠來至
心有疑惑問大智 唯願爲我分別宣
若能斷我心所疑 一一思惟爲我說

依我義句次第解 分分開曉莫參差

時婆毗耶說此偈已嘿然而住但諸佛法既
有三種神通門說若可化者即便化之何等
爲三第一所謂出現神通第二名爲教示神
通第三名爲教行神通而世尊爲彼婆毗耶
波梨婆闍心有所疑知其心已向婆毗耶以

偈答言

汝婆毗耶遠道來 欲問於我心疑惑
汝今可說我當解 隨汝所問我領之
一如問意不令差 汝婆毗耶宜早說

必心欲請莫疑惑 一一如問當廣宣

尔時出尊說是偈已其婆毗耶波梨婆闍作
如是念我於已前諸處所有或復沙門或婆
羅門年耆宿德父來出家甚作國師世間謂
言大阿羅漢智慧聰明我問彼等心所疑義
然其彼等皆悉倒錯不能報我以不能答我
所問義而其彼等心內懷慙面作三分額眉
彼額生於瞋恨無事唱响

所九

三

時婆毗耶心生希有此大沙門我之所問不
瞋不忿增上清淨容兒熙怡不作異色更益
光顯我所諮問許爲我宣我於彼人諸根寂
靜不見有錯知如此已其婆毗耶波梨婆闍
心大歡喜踊躍遍滿不能自勝得歡喜已即
以偈頌問佛義言

大聖云何名比丘 諸聖伏者何名伏
知見何事名爲覺 唯願世尊爲我宣
爾時世尊即以偈頌而答於彼波梨婆闍婆
毗耶言

苦行無礙求菩提 度諸疑向涅槃岸
有有無有悉棄捨 梵行漏盡名比丘
一切捨處正念行 於不殺害世間內
能得清淨無濁體 免脫諸縛名爲調
若能内外攝諸根 如此降伏是名直
狀離此世及後世 待時涅槃名善行
於諸劫中勤苦修 生死二邊隨業受
其間無垢離諸縛 是名爲覺生死窮

時婆毗耶波梨婆闍聞說歡喜復更以偈而

問佛言

何等名爲修梵行 沙門清淨復云何

佛說大智云何調 今問世尊爲我解

爾時世尊還以偈頌而答於彼波梨婆闍

毗耶言

以捨諸罪無垢纏

獨能超越煩惱海

福德積聚捨諸非

一切生死除滅故

諸有業報悉滅除

一切天人不能穢

諸縛皆盡無所拘

貪癡瞋恚悉免脫

時婆毗耶波梨婆闍既聞說已復更以偈重

問佛言

諸佛以何爲福田 云何巧知善方便

云何名爲大仙聖 唯願世尊爲我宣

所

九

四

爾時世尊還以偈頌而答於彼波梨婆闍婆

毗耶言

諸刹一一分別知 諸梵諸天堪受供

果報執著解縛脫 如是乃名爲福田

業根報子所從生 諸梵諸天悉分別

能以諸忍斷根本 如是名爲巧智知

彼此選擇白淨因 一切世間內外有

無我不攝無處所 如是方便名善權

一切諸法有無知 一切世間無内外

此世天人得恭敬 無礙獨脫是名仙

時婆毗耶波梨婆闍既聞說已復更以偈重

問佛言

以何得故名爲聞 云何隨順及精進

云何名爲大龍者 唯願世尊爲說之

爾時世尊還以偈頌而答於彼波梨婆闍婆

問佛言

諸佛以何爲福田 云何巧知善方便

云何名爲大仙聖 唯願世尊爲我宣

超越無復疑惑刺

一切不著是名聞

名色皆是虛妄因

內外根塵是患本

如是諸處解脫已

佛說名爲隨順心

捨離一切諸罪緣

離地獄苦湏勇猛

解脫彼等不染著

如是名爲精進人

世間有愛皆遠之

諸漏已盡無復刺

如是體者名爲龍

所九

五

諸漏已盡無復刺

如是體者名爲龍

問佛言

以何等故名爲受

云何說聖及行行

何緣名爲求道人

今問世尊爲我說

爾時世尊還以偈頌而答於彼波梨婆闍娑

毗耶言

所有韋陀一一選

或於沙門婆羅門

其邊領解既證知

於彼各各皆受取

截割邪見羅網斷

彼智不復受有胎

三種相想塗已除

不作分別是名聖

正得諸神通已盡

平等一切諸法知

能達善逝諸世間

如是解者名行行

諸法所有苦報者 若上若下若中間

名色境界能遍知 如是之人名求道

時婆毗耶波梨婆闍所有詮問世尊之義皆

悉稱適於其本心既歡喜已頂禮佛足合十

指掌瞻仰而嘆佛世尊言善哉世尊世間所

有六十二見皆無所用於世間中此等皆是

虛妄之法我今歸依無上世尊唯世尊能悉

分別知是大丈夫唯世尊能善解說法唯世

尊能知一切道唯世尊能度諸苦海唯世尊

能永盡諸漏唯世尊有最大威德唯世尊獨

多有智慧唯世尊能得阿耨多羅三藐三菩提

提而說偈讚

我今頂禮大丈夫

實行放光明普照

能於天人世間內

善開甘露鼓之門

我前所有疑惑心

唯世尊能爲我解

世尊既是大仙覺

諸塵垢盡無有餘

其後更不受有身

一切生因皆散滅

世尊已得清涼處 知足淨心常實行

如是世尊猶若龍
帝釋一切諸天等
世尊既是真覺人
世尊能降伏魔衆
自以度脫復度他
超越不貪著一切
所九
唯佛至真無上尊
諸漏有因皆滅盡
諸星圍遶遍滿空
識及名色壽命等
有山名爲毗富羅
又如諸山雪山最
諸流海水最爲深
若欲歸命調伏者
歸命世間最勝尊
歸命無上尊善逝
猶如祭祀火最尊
人中王爲最自在

最大丈夫金口說
諸仙諸聖皆樂聞
世尊善能教導物
世尊能斷諸使纏
於罪福中皆平等
天人世間明了知
六
已過一切諸邪道
猶如十五夜月明
如是照曜世間內
王舍所住諸人民
一切最勝最爲上
飛行之者空最高
又諸星中月爲最
唯有歸命無上人
歸命正馭人中勝
歸命無等等至真
意論唯呪術爲最

諸星唯月最爲光
上下六道善惡趣
一切有形天及人
唯有世尊最爲首
是故我今合十指
所九
頭面頂禮無上尊
時婆毗耶說如是偈讚如來已復白佛言善哉
世尊唯願世尊慈悲憐愍聽我出家并乞
與我受具足戒是時佛告婆毗耶言善來善
來汝婆毗耶於我自說法行之中正盡諸苦
得解脫故是時長者婆毗耶身即成比丘滿
具足戒其婆毗耶出家未久及受具足行住
坐卧獨無伴侶不曾染著謹慎身口不敢放
逸爲求道故如救頭然如是行時未久之間
七
其善男子正信勇猛捨家出家欲求無上清
淨梵行現見諸法自心證知言我已盡一切
生死得梵行報不受後有所作已辦自如是
知其婆毗耶既已證知如是之處得羅漢果
心善解脫是時世間凡成九十三阿羅漢第
一世尊乃至最後及婆毗耶

爾時世尊成道之後在波羅捺鹿野苑內通及佛身合八人六月十六日安居至九月十五日合九十三人解夏

佛本行集經教化兵將品第四十三上

爾時他方有諸人輩或從處處諸邑聚落及諸國土各各相喚意並願樂欲求出家乞具足戒來波羅捺到於佛邊白世尊言與我出家受具足戒以是因緣諸舊比丘應接勞乏彼等諸人求欲出家聲響喧鬧以此因緣惱亂世尊不得閑靜

爾時世尊於一時間獨坐靜室如是思惟今者諸人從於四遠他方聚落國土而來至於此處意如是念如來與我出家受具戒以是因緣其諸人等意欲規求遠來疲倦又復爲我作於擾亂我今可遣諸比丘等令其處處至於他方聚落城邑教化一切若有諸人欲求出家受具戒者如法當與

此因緣集聚一切諸比丘衆既聚集已而告之言汝等比丘今應當知我在空閑靜寂之室作是思惟如上所說乃至汝等向於他方與其出家與受具足勿令其來既自勞苦復妨亂他如是告已更重語言我今教勑汝諸比丘至於他方聚落城邑若有人來欲求出家受具戒者汝當與其出家受具復告比丘若彼來欲出家之時汝等應須作如是事先當爲其剃除鬚髮既剃落已即教令著袈裟色衣其著衣時齊整服飾偏袒右肩教在衆前右膝著地教令頂禮諸比丘足禮已還起附九在比丘前跪坐教令合十指掌作如是語我某甲歸依佛歸依法歸依僧汝等比丘從今已後依我勑教若有人來求欲出家受戒三歸即得具足

爾時世尊還在於彼波羅捺城鹿苑坐夏告諸比丘作如是言汝諸比丘若當知我已得解脫應於一切諸天人中汝等行行為令多

人得利益故爲今多人得安樂故爲世間求
當來利益及安樂故若欲行至他方聚落獨
自得去不湏二人又復比丘汝等若至他方
聚落爲於多人生怜愍故攝受彼故當爲說

法初中後善其義微妙具足無缺汝等比丘
當說梵行有諸衆生少諸塵垢薄於結使諸
根成熟恐畏不能得聞正法即不能得知於
法相

佛告比丘我從今日漸當移去行向優婆頻
螺聚落詣兵將村而爲彼等說法教故爾時
世尊即說偈言

比丘我今度諸苦 以作自利復益他

所多人苦未除 今須爲其作憐愍

是故汝等比丘輩 各各宜應獨自行

我今亦復從此移 欲向頻螺聚落所
余時魔王波旬密來往詣佛所到佛所已即
便向佛而說偈言

汝爲諸縛之所縛 亦同諸天人等有

所九

旣被一切繩所繫 沙門汝不脫網羅
爾時世尊聞此偈已即便如是思惟念言此
是魔王波旬語也如是知已還以偈報魔波
旬言

我父以脫一切縛 天人所有我悉無
我此諸縛旣離身 降汝波旬更何道
爾時世尊重更以偈毀辱於彼魔王波旬作
如是言

一切色聲香味觸 此是五慾法染人
我今悉已一切除 降汝惡魔波旬訖

余時波旬聞此偈已作是思惟沙門瞿曇已
知我心生大苦惱深自悔恨從彼地方忽然

不現

時諸比丘同白佛言善哉世尊若有人來至
於我所問我等言尊者比丘何名沙門及婆
羅門我等比丘於彼聞已當作云何報答於
彼尔時佛告諸比丘言若有人問云何沙門
及婆羅門比丘出家有如是者汝等比丘若

知是時應當正知知已應當正心觀察
爾時世尊因此事緣因此言次爲諸比丘而
說偈言

求除詔曲及我慢 貪恚慾盡無處貪
如是清淨體性常 彼者沙門比丘是
諸罪漏盡号梵志 精進苦行名沙門

彼等垢盡出塵勞 是真出家破諸惡
時諸比丘聞此偈已復白佛言善哉世尊我

等比丘乞食之時復作何言或復言謂施於
我食或復直言布施食也我等云何方便乞食
爾時佛告諸比丘言汝諸比丘不應如是以偈
汝所言所以者何須護物心是時世尊以偈

報於諸比丘言

智人乞食無有言 亦不指點云與食

聖者嘿然側立念 是名乞食真比丘

若有智者乞食時 但當諦視一邊住

被人若見如此已 即知是乞食沙門

時諸比丘復問佛言若復有人生信心已乞

所九

我等食恭敬我等我等比丘更作何言爲當
語彼汝大功德爲當語彼汝大安隱爲當語
爲當語言汝無有福我等比丘當云何言唯
願教導

爾時佛告諸比丘言汝諸比丘不應如是以偈
說言

布施增長大福德 忍辱一切怨讐無
善人棄捨於諸非 離慾自然得解脫
修福常得安隱樂 所求易辦多種饒
現世速得寂定心 然後證彼涅槃處

余時世尊略說此偈教諸比丘如是受食呢

願法用

爾時彼等諸比丘衆從佛受得如是教誨從
坐而起頂禮佛足圍遶三匝隨意而行是時
彼等諸比丘衆各隨去後是時彼處有護林
神護樹之神護經行神見林內空見樹下空

見經行空私心思慕諸比丘故往詣佛所而說此偈諮問佛言

我等諸神大戀慕 見此林樹悉皆空
彼多聞衆比丘僧 瞿曇釋子今何去
余時世尊還以偈頌而報於彼守護樹林諸神等言

所九

十一

衆等調伏諸根訖 遊行教化彼衆生
或有往於憍薩羅 或向毗耶離城邑
或詣阿踰闍國土 或趣金剛大地方
決斷於他疑惑心 隨機逐情爲說法
余時世尊波羅捺城夏安居竟隨多少時然後重告諸比丘等使更遊方隨緣教化而世尊從波羅捺城遊行漸至優婁頻螺聚落之所是昔如來行苦行處其村有一大婆羅門名曰兵將達到彼村從舊往來道路而行爲教化故

余時世尊行舊路時於其道傍見一園林翁鬱可愛是時世尊從路下僻深入彼林從樹至

樹見有一樹端正可喜即坐其下一日消息時彼林內有諸丈夫伴侶朋友足三十人二十九人悉皆有妻唯獨一人隻身無婦時彼朋友二十九人共爲此一無妻之人求覓於婦而不能得稱可其意忽然雇得一個姪女將來與其共相娛樂而彼姪女即共彼人隨意娛樂行於世事伺候彼等三十丈夫並皆睡所有好物皆選擇取即將逃走

余時彼人及諸朋友相共尋求彼之姪女遍歷彼林而不能得遙見世尊坐一樹下可喜端正衆人樂見調伏諸根心意寂靜已得最上最勝之法猶如象王最善最妙如彼大池滿於清淨涼冷之水有一尋光猶如金錠身相具足如娑羅樹遍滿於華乃至猶如虛空星宿余時彼等諸人見已往詣佛所到佛所已而白佛言尊者此處頗見如是婦女以不佛報問言汝諸人輩所問之者是何婦女此婦女者緣何而來是時彼等共答佛言大善

尊者我等朋友合三十人皆是良善在於此林居停住止二十九人並皆有婦唯獨一人單身無妻而我等輩相共雇得一个姪女與其作妻令暫娛樂而彼姪女見於我等歡樂之極自恣睡眠彼姪女選我等好物即將逃走我等亦爲此朋友故亦復各爲自許物來

所九

十二

此林之内求彼姪女

尔時佛告彼等人言諸男子輩我今問汝於意云何汝等今者寧求自身寧欲求覓彼姪婦女二事之中何者爲勝彼等男子共報佛言善哉世尊我等今者若求自身此最爲勝寧可莫求彼之婦女

戒行忍乃至有法皆是滅相如實觀察既證知已猶如淨衣無有黑縷無有垢膩隨其所染即受彼色如是如是彼等三十男子朋友即於彼坐遠塵離垢即時滅盡一切煩惱於諸法中得法眼淨所有垢法悉是滅相如是觀知尔時彼等男子如是見諸法相得是法相證是法相入是法相度是法相除滅所疑無復惑著到無畏地不隨他行既知世尊聖教法已從坐而起頂禮佛足而白佛言善哉世尊願與我等出家受戒

尔時佛告彼等男子作如是言來汝男子入我所說法教之中行於梵行正盡苦集滅於

所九

十三

苦邊是時彼等諸長老輩即成出家具足戒品尔時世尊更爲彼等而說法要懇懃教誨是時彼等以佛更爲說於法教誨示之時不教不敢有違是時彼等三十朋友頂禮佛足却坐一面

尔時世尊爲其次第如應說法所謂布施持

後出之有如是知時彼等長老皆成羅漢心

善解脫

尔時出尊教彼三十長老朋友得知證已遊

行履歷經白蘃林到彼林已深入林中見有一樹微妙可喜即坐其下一日消息

尔時彼處忽有六十雲種姓人從彼林路道便而過彼等諸人遙見世尊坐在樹下端正可喜衆人樂見乃至猶如虛空衆星之所莊嚴見已心得清淨正信生大歡喜以歡喜故往詣佛所到佛所已頂禮佛足却坐一面坐一面已嘿然而住

尔時佛爲彼等六十雲種姓人次第說法所謂教行布施持戒乃至證知彼等長老一切皆得阿羅漢果心善解脫是時世尊教化彼等六十長老雲姓比丘令發心已即捨而去更遊餘方

佛本行集經卷第三十九

所九

佛本行集經卷第四十

所十

教化兵將品下

隋天竺三藏法師闍那崛多譯

尔時世尊漸漸行到恒河岸邊至於彼已而恒河畔有一船師遠見世尊向己而來從坐速起急疾向前迎接世尊到佛邊已而白佛

言善來世尊從何遠來而忽到此世尊若爲憐愍我故願上此船我度世尊到於彼岸不取其價

尔時世尊即上船上坐船上已將如是偈教誨示導彼船師言

汝今善曝曬此船 如是當得艇輕利
若能捨此慾恚惱 必定速得至涅槃
汝以慈心曬此船 令其輕便早疾度
汝今若能捨慾恚 必定速得趣涅槃
汝以悲心曬此船 令其輕便早疾度
汝今若能捨慾恚 必定速得趣涅槃
汝以喜心曬此船 令其輕便早疾度